

Gazel

Şöyle serd oldu yine sarsar-ı deyden bu cihân
Oldu mihr âteşi sincâbî sehâb içre nihân

Kalmadı şiddet-i sermâ ile hiç tâkati kim
Penbe-i berfe ede âteş-i hurşîd ziyân

Sîm-tenler yoluna varını harc eylemeğe
Bozar altını yine akçaya sarrâf-ı zamân

Mihr ayvasını hıfz etmek için koydu felek
Penbe-i ebr ile sandûka-i gerdûna saman

Bulamaz ahger-i hurşîdi felek ey Nev'î
Gerçi hâkister-i ebri uçurur bâd-ı vezân